



Na osnovu Zaključka o usvajanju Uputstva o postupcima i kriterijima za odobravanje i dodjelu (refundaciju) sredstava poticaja namijenjenih subvencioniranju troškova realizacije patenata inovatora sa područja Zeničko-dobojskog kantona, broj: 02-02-14493/15 od 10.7.2015. godine, Zaključaka o usvajanju Programa utroška budžetskih sredstava u 2015. godini, broj:02-14-12700/15 od 4.6.2015. godine i broj: 02-14-16226/15 od 27.08.2015. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13), Ministarstvo za privredu, *raspisuje*:

JAVNI POZIV

za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju realizacije patenata inovatora sa područja Zeničko-dobojskog kantona

1. Pozivaju se inovatori iz Zeničko-dobojskog kantona koji su u fazi realizacije patenta, odnosno izuma prema Zakonu o intelektualnom vlasništvu u Bosni i Hercegovini („Službeni glasnik Bosne i Hercegovine“, broj: 03/02) da podnesu Zahtjev za odobravanje i dodjelu nepovratnih finansijskih sredstava obezbjeđenih za subvencioniranje realizacije patenta.
2. Pravo korištenja poticajnih sredstava imaju inovatori iz Zeničko-dobojskog kantona. Jedan inovator ne može biti korisnik više od jednog poticaja Ministarstva za privredu u toku tekuće budžetske godine.
3. Inovatoru će se, nakon uredno dostavljenog Zahtjeva i provedene procedure odlučivanja, odobriti sredstva u iznosu od 5.000,00 KM za jedno patentno rješenje.
 - Jedan inovator može dobiti poticaj za najviše 3 (tri) patenta;
 - Pravo na poticaj nemaju članovi uže porodice inovatora koji je ostvario maksimalni iznos poticaja;
 - Korisnik poticaja može koristiti poticaj samo u jednom Ministarstvu u Zeničko-dobojskom kantonu.
4. Uz Zahtjev za odobravanje poticajnih sredstava inovator je dužan dostaviti sljedeće priloge:
 - Ovjerenu kopiju lične karte;
 - Original ili ovjerenu kopiju Obavještenja o evidenciji prebivališta, izdatog od strane nadležnog organa, ne starije od 60 dana računajući od dana podnošenja zahtjeva;
 - Original ili ovjerenu kopiju Rješenja o dodjeli patenta, izdatog od nadležnog organa nakon 01.01.2013. godine u BiH ili inostranstvu (sa prevodom na jedan od službenih jezika u BiH);
 - Potpisanu i ovjerenu Izjava o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u B i H ("Službeni glasnik B i H", broj:10/12) i Uredbom o namjeni, kriterijima i uslovima za dodjelu državne pomoći Federacije B i H ("Službene novine Federacije B i H", broj: 99/13). (Obrazac Izjave može se preuzeti sa web stranice Vlade ZDK - [www: zdk.ba](http://www.zdk.ba)).
5. Po uredno prispjelom Zahtjevu, ocjenu i mišljenje dat će Komisija Ministarstva za privredu, poštujući hronologiju prijema u protokolu Kantona.

U slučaju da Komisija ocijeni da nisu ispunjeni svi uslovi za odobravanje poticajnih sredstava, Ministarstvo za privredu će Inovatoru dostaviti Obavještenje o odbijanju zahtjeva.

6. Na osnovu Izvještaja o pozitivnoj ocjeni i mišljenju Komisije, Ministarstvo za privredu će predložiti Vladi Kantona donošenje Zaključka o odobravanju subvencioniranja troškova provođenja postupka ispitivanja patenta.

Vlada Kantona može opozvati donesene zaključke, zavisno od dinamike priliva budžetskih sredstava tokom godine.

Na osnovu donesenog Zaključka Vlade Kantona o odobravanju subvencioniranja troškova provođenja postupka ispitivanja patenta, Ministarstvo za privredu će Ministarstvu financija podnijeti Nalog za isplatu, odnosno refundaciju odobrenih sredstava poticaja.

7. Zahtjeve za odobravanje subvencioniranja troškova patentiranja, inovatori trebaju dostaviti na adresu:

ZENIČKO-DOBOJSKI KANTON
Ministarstvo za privredu
KOMISIJA ZA OCJENU ZAHTJEVA ZA ODOBRAVANJE I DODJELU POTICAJA
INOVATORIMA
Kučukovići br. 2. Zenica

8. Javni poziv ostaje otvoren 60 dana od dana objavljivanja u “Našoj riječi”, odnosno u razmatranje će se uzeti samo zahtjevi koji budu zaprimljeni na Protokolu Kantona najkasnije do 09.11.2015. godine do 16 sati.

Sve dodatne informacije mogu se dobiti na telefone Ministarstva za privredu: 032/460-720 i 032/460-721 ili telefax: 032/460-722 ili E-mail: min.privreda@zdk.ba, te na web stranici: www.zdk.ba.